



Møtebok for Vestre Slidre fjellstyre

Arkiv nr: S620

Sak nr 7/2015

Møtedato: 18.3.15

Møtestad: Slidre

Saksbehandlar: Harald Ranum

S 620, Nørre Trøllhøvd – søknad tilbygg på sel

Ola Satalien Øyen søker om å få utvide vindfanget på selet frå 3,15 m² til 7 m². Det er ikkje gjort vedlikehald på selet på lang tid og det treng ei større oppgradering. Selet skal jekkast opp, isolere golv, skifte pipe, isolere tak, legg om skiftertekking, isolere veggjar utvendig, skifte panel utvendig og skifte vindauge. Teikningar er lagt ved søknaden.

Stølen blir brukt til beite. Stølen er etter fjellova i bruk og skal behandlast etter §10 i stølsforskrift: *Etter søknad som fjellstyret avgjer, kan seterbrukaren setje opp, utvide og endre hus for ei rasjonell utnytting av utvist seter. Fjellstyret skal ta stilling til kva slag og kor mange hus som trengst, deira storleik og standard eller anna, og kan setje vilkår for oppføring, utviding og endring av hus. Fjellstyret skal leggje saka fram for Statskog SF til fråsegn før fjellstyret gjer vedtak etter dette leddet.*

Om fjellstyret vil krevje at hus eller anlegg som alt står, skal rivast, må fjellstyret leggje saka fram for regional kulturminnestyresmakt til fråsegn før fjellstyret gjer vedtak. Det same gjeld ved nybygg og endring eller utviding av hus på seter, der dette vil påverke eksisterande kulturmiljø.

Statskog har gjeve følgjande uttale datert 11.2.15:

Viser til oversendt søknad om mindre endring av seterhus på Nørre Trøllhøvd, fnr 620. Søker opplyser at han skal gjennomføre en del reparasjoner og vedlikeholdsarbeid på setra i 2015. Dette inkluderer endring av taktekking, utvendig panel og vinduer, samt en utvidelse av vindfanget fra 3,15 m² til 7 m².

Statskog uttaler seg til søknaden etter seterforskriftens § 10. Det ses positivt på at seterbygninger vedlikeholdes i samsvar med formålet. Denne søknaden dreier seg i praksis om en rasjonell endring av eksisterende vindfang, og Statskog har ingen innvendinger. Det forutsettes at fjellstyret med sin lokalkunnskap vurderer virkningen av det totale vedlikeholdstiltaket ut i fra lokal seterbyggeskikk og kulturlandskapet i området. Gitt denne forutsetningen har ikke Statskog større innvendinger eller kommentarer til søknaden

Fjellstyret har ikkje motteke uttale frå Oppland fylkeskommune, kulturarvenheten.

Dette er eit lite tilbygg og som gjer selet meir praktisk. Statskog har ingen merknader til storleik på tilbygget. Utviding av arealet bør derfor vera ei kurant sak å få godkjent. Oppland fylkeskommune har ikkje gjeve særskilt tilbakemelding på søknaden. Fjellstyret skal likevel etter §10 gjera ei vurdering av utforming og ev. stille vilkår. I likande saker har fylkeskommunen uttala at utforming av bygningen er viktig for tilpassing til stølsmiljøet. Huset bør ha materialbruk, takvinkel, form, fargebruk og detaljering som harmonerer med dei andre bygningane. Vindauga bør vera tradisjonelle, sidehengsla med gjennomgåande sprosser. Fjellstyret bør råda søkjar til å følgje generell tilråding frå fylkeskommunen.

Framlegg til vedtak:

Fjellstyret finn at det er behov for omsøkte tilbygg og godkjenner søknaden etter § 10 i stølsforskriftene. Fjellstyret ber søkjar om å følgje generell tilråding frå Oppland fylkeskommune.

Vedtak:

Forslag til vedtak vart samrøystes vedteke.

Etter § 10 i fjellova tek fjellstyrevedtaket til å gjelde 4 veker etter at det er gjeve melding om vedtaket. Byggeløyvet er ikkje gyldig før kommunen har godkjent søknaden. Dersom bygginga ikkje er starta opp innan 3 år fell løyvet bort.

I følgje §28 i forvaltningsloven kan vedtaket klagast over. Parter har rett til innsyn i saksdokument. Eventuell klage skal sendast Vestre Slidre fjellstyre innan 3 veker frå mottak av dette vedtak.

Vestre Slidre fjellstyre den 19.3.15

Harald Ranum
sekretær

Utskrift: Ola Satalien Øyen, Statskog, Vestre Slidre kommune, Oppland fylkeskommune